



VOLDA KOMMUNE

MØTEINNKALLING

Utvalg: Driftsstyret
Møtestad: Voldsfjorden, Volda rådhus
Dato: 15.03.2017
Tid: 13.00

Forfall skal snarast meldast til servicekontoret/utvalsekretær på telefon 70 05 87 00 eller postmottak@volda.kommune.no, som kallar inn vara. Varamedlemer møter difor berre etter eiga innkalling.

Folkevalde, både medlemer og varamedlemer, plikter å møte jf. kommunelova § 40 nr. 1, med mindre det ligg føre gyldig forfall.

Den som ønskjer å stille spørsmål om sin habilitet i ei sak, jf. forvaltningslova § 6 og kommunelova § 40 nr. 3, skal melde dette til utvalsekretær i god tid før møtet. Dette også grunna eventuell innkalling av varamedlem, jf. forvaltningslova § 8, 3. ledd.

Møtet er ope for publikum, med kan verte lukka ved handsaming av saker som inneheld informasjon som er unnateke offentlegheit.

Saksdokumenta er lagt ut til offentleg ettersyn på Volda kommune si heimeside <https://innsyn.ssikt.no/volda/dmb> og på servicekontoret.

Saksnr	Sak	Arkivkode
PS 7/17	Godkjenning av innkalling og sakliste	
PS 8/17	Godkjenning av møteprotokoll frå forrige møte	
OS 9/17	Orienteringssaker	
OS 10/17	Melding om vedtak i Eldrerådet OS 3/17 - Pårørandeutval - eldretenestene i Volda kommune	H12
PS 9/17	Kulturmidlar - prinsipp for tildeling	223
PS 10/17	PPT- avtale om regionalt samarbeid	B20
PS 11/17	Skjenkeløyve ved So es Bors AS - org nr 915017282	U63

PS 7/17 Godkjenning av innkalling og sakliste

PS 8/17 Godkjenning av møteprotokoll frå forrige møte

OS 9/17 Orienteringssaker



VOLDA KOMMUNE

Servicekontoret

Helse- og omsorgssektoren
v/Svein Berg-Rusten

Arkivsak nr.	Løpenr.	Arkivkode	Avd/Sakshandsamar	Dato
2017/389	2702/2017	H12	SVK/ SONHAV	28.02.2017

MELDING OM VEDTAK I ELDRERÅDET OS 3/17 - PÅRØRANDEUTVAL - ELDRETNESSTENE I VOLDA KOMMUNE

Vi melder med dette frå at eldrerådet den 13.02.2017, hadde føre ovannemnde som sak OS 3/17, der det vart gjort slikt vedtak:

Eldrerådet vil be leiinga ved helse- og sosialetaten, dei som har oversikt over pårørande til brukarar av pleie- og omsorgstenestene, til å ta initiativ andsynes dei pårørande for å få danna eit Pårørandeutval, etter tilsvarende modell som Foreldreutvalet i Grunnskulen. Pårørandeutvalet skal ikkje vere drive av kommunale organ, men vere eit sjølvstendig stifta og sjølvarbeidande organ. Men for å få starte det opp, treng ein hjelp frå helse- og sosialeiinga.

Særutskrift frå protokoll i eldrerådet 13.02.2017:

Handsaming:

Einar Børtveit kom med følgjande framlegg til fråsegn:

Eldrerådet vil gjere merksam på at det ikkje finst aktivt Pårørandeutval/Pårørandeforeining/Pårøranderåd for eldre som nyttar eldretenestene i Volda Kommune.

Eldrerådet meiner eit slikt utval ville vere til nytte for fleire instansar, både dei som nyttar seg av helse- og omsorgstenestene, for leiinga for helse- og omsorgstenestene i Volda, for pleiarane, for eldrerådet, og for den politiske leiinga.

Eit slikt utval kan:

- *Ta opp saker på vegne av alle bebruarane. Det gjeld til dømes mat/kostplan, bemanning, ferieavvikling, informasjonsordningar, ute- og inneområde, sosiale tiltak, vedtak frå kommunen som påverkar kvardagen, etc.*
- *Vere ei stemme til dei som ikkje har nære pårørande, og såleis treng andre til å tale saka si.*
- *Diskutere innspel og forslag med institusjonsleiinga.*
- *Halde eit auga med om pålegg frå Helsetilsynet vert fylgt opp.*
- *Kome med innspel til Kommunen, Eldrerådet og mogelege andre.*
- *Gjennomføre brukarundersøkingar om det er ynskjeleg med tilbakemeldingar.*

Tanken er ikkje at eit Pårørandeutval skal vere eit «institusjonspoliti», men at det skal fungere som eit tilbakemeldingsorgan for Leiinga, Eldrerådet eller Kommunen. (Fungerer alt som det bør?)

Postadresse:	postmottak@volda.kommune.no	www.volda.kommune.no	
Stormyra 2	Telefon:	Org. nr:	Bankgiro:
6100 Volda	70058701	939 760 946	3991.07.81727

Ein kan setje opp retningsliner for korleis eit Pårørandeutval skal arbeide.

- *Samarbeide med leiinga og dei tilsette, en bør arbeide ut frå at ein er «på same lag», og har felles interesser om å skape best mogeleg omsorg.*
- *Ta opp vanskelege situasjonar på generell basis.*
- *Vere bebuarane si stemme andsynes kommunepolitikarar, og t.d. Eldreråd*
- *Møte Eldrerådet og andre som er med i arbeid for eldre.*

Eldrerådet vil be leiinga ved helse- og sosialetaten, dei som har oversikt over pårørande til brukarar av pleie- og omsorgstenestene, til å ta initiativ andsynes dei pårørande for å få danna eit Pårørandeutval, etter tilsvarande modell som Foreldreutvalet i Grunnskulen. Pårørandeutvalet skal ikkje vere drive av kommunale organ, men vere eit sjølvstendig stifta og sjølvarbeidande organ. Men for å få starte det opp, treng ein hjelp frå helse- og sosialleinga.

Eldrerådet drøfta saka og var samde om at siste avsnitt vert reist som eit fellesframlegg frå eldrerådet, der saka skal sendast til helse og omsorgssektoren, med kopi til rådmannen og driftsstyret:

Eldrerådet vil be leiinga ved helse- og sosialetaten, dei som har oversikt over pårørande til brukarar av pleie- og omsorgstenestene, til å ta initiativ andsynes dei pårørande for å få danna eit Pårørandeutval, etter tilsvarande modell som Foreldreutvalet i Grunnskulen. Pårørandeutvalet skal ikkje vere drive av kommunale organ, men vere eit sjølvstendig stifta og sjølvarbeidande organ. Men for å få starte det opp, treng ein hjelp frå helse- og sosialleinga.

Røysting:

Fellesframlegget vart samrøystes vedteke.

Vedtak i eldrerådet - 13.02.2017:

Eldrerådet vil be leiinga ved helse- og sosialetaten, dei som har oversikt over pårørande til brukarar av pleie- og omsorgstenestene, til å ta initiativ andsynes dei pårørande for å få danna eit Pårørandeutval, etter tilsvarande modell som Foreldreutvalet i Grunnskulen. Pårørandeutvalet skal ikkje vere drive av kommunale organ, men vere eit sjølvstendig stifta og sjølvarbeidande organ. Men for å få starte det opp, treng ein hjelp frå helse- og sosialleinga.

Volda kommune, servicekontoret

Sonja Håvik
konsulent

Dokumentet er elektronisk godkjent og har ingen signatur.

Kopi til:
Driftsstyret
Rune Sjørgard



SAKSDOKUMENT

Sakshandsamar:	Inger-Johanne Johnsen	Arkivsak nr.:	2016/2129
		Arkivkode:	223

Utvaksaksnr	Utval	Møtedato
9/17	Driftsstyret Kommunestyret	15.03.2017

KULTURMIDLAR - PRINSIPP FOR TILDELING

Administrasjonen si tilråding:
Saka vert lagt fram utan tilråding

Vedleggsliste:

Melding om politisk vedtak – kulturmidlar, datert 27.1.2017

Saksopplysningar/fakta:

26. januar 2017 handsama kommunestyret sak om oppretting av kulturmidlar i Volda kommune. Kommunestyret gjorde vedtak om at det for 2017 skulle løyvast 200.000 kr til tiltaket, og at dette skulle dekkast over formannskapet sin disposisjonspost.

Driftsstyret fekk i oppgåve å fordele midlane, men når tenesteutval for barn og unge trer i funksjon skal dei overta denne funksjonen.

Kommunestyret vedtok at driftsstyret blir beden om å foreslå prinsipp for tildeling.

Administrasjonen sitt forslag til prinsipp for tildeling av kulturmidlar i Volda kommune

- Kulturmidlane går til frivillige lag og organisasjonar innan eigen kommune (evt. i felleslag med nabokommunene). Dersom foreiningane har medlemmer også frå andre kommuner, må fleirtalet av medlemmane vere busett i Volda kommunen og foreininga si adresse/møtestad må vere i kommunen.
- Søknader som gjeld barne- og ungdomsarbeid skal prioriterast.

- Foreiningar som skal få støtte må ha vore i drift i minst 6 månader. Foreininga må ha ope medlemsskap, vedtekter og vald styre. Det må minst vere 10 medlemmer som betalar medlemskontingent.
- For lag og foreiningar som driv fleire aktivitetar – til dømes fleiridrettslag/allianseidrettslag – skal det sendast berre *ein* søknad der det blir forklart kva evt. tildelte kulturmidlar skal nyttast til.
- Det blir ikkje gitt støtte til kommersielle tiltak og arrangement, som t.d. konsertar, messer og liknande. Det blir heller ikkje gitt stønad til politiske foreiningar og trussamfunn.
- Kulturmidlane blir delt ut 1. halvår kvart år. Søknadsfristen er 15. mai. Søknader som kjem inn etter fristen, vil ikkje bli handsama.
- Årsmelding og rekneskap for siste år skal leggest ved søknaden.

Oppretting av kulturmidlar i Volda kommune vil bidra til å styrke kulturlivet i kommunen og å gje moglegheit for enda større aktivitet i lag og organisasjonar. Driftsstyret må avgjere om det også er andre grupper enn barn og ungdom som skal prioriterast.

Økonomiske konsekvensar:

Formannskapet sin disposisjonspost er redusert med 200.000 kr (frå 455.000 kr til 255.000 kr).

Beredskapsmessige konsekvensar:

Ingen

Vurdering og konklusjon:

Driftsstyret skal foreslå prinsipp for tildeling av kulturmidlar i Volda kommune.

Kulturmidlar vil vere eit auka bidrag for støtte til frivillig innsats i Volda kommune. Det kan vere greitt å minne om at Volda kommune samla sett gir årlege millionbidrag til m.a:

- Grendehusa på bygdene
- Drifta av symjebassenga på bygdene og subsidiering av symjeklubben i sentrum
- Tilskot til Volda skisenter og årlege bygselavtaler knytt til skisenteret
- Mørehallen
- Symbolsk leigepris for Voldahallen
- Vedtak om støtte til hestesportssenter

Via kraftfondet har det dei siste åra blitt gitt støtte til m.a. Dei Nynorske Festspela, Studentveka, X2 Festivalen, Kammermusikkfestivalen, Dokumentarfilmfestivalen, Animasjonsfestivalen og Naturfestivalen. Planane for idrettshall og kulturhus med kino vil også medføre ei storsatsing frå kommunen si side.

Rådmannen meiner det er viktig å sjå tildeling av kulturmidlar i ein overordna samanheng og vere tydeleg på formålet med ordninga. Kommunen har sterkt fokus på førebygging, tidleg innsats og folkehelse. Det er særleg viktig å ha fokus på aktivitet og oppfølging av barn og unge for å førebyggje utanforskap og inkludere i fellesskapen. Tidleg innsats og tilrettelegging for å inkludere barn og unge i alle overgangsfasar er ei av dei største samfunnsutfordringane. Rådmannen vil derfor foreslå at tiltaket vert særleg retta mot organisasjonar og aktivitetar for barn og unge.



VOLDA KOMMUNE

Rune Sjurgard
Rådmann

Inger-Johanne Johnsen
sektorsjef kultur og service

Utskrift av endeleg vedtak:
Administrasjonen for vidare arbeid



VOLDA KOMMUNE

Servicekontoret

Driftsstyret

<i>Arkivsak nr.</i>	<i>Løpenr.</i>	<i>Arkivkode</i>	<i>Avd/Sakshandsamar</i>	<i>Dato</i>
2016/2129	1272/2017	223	SVK/ SONHAV	27.01.2017

MELDING OM POLITISK VEDTAK - KULTURMIDLAR - VOLDA KOMMUNE

Vi melder med dette frå at kommunestyret den 26.01.17, hadde føre ovannemnde som sak PS 8/17, der det vart gjort slikt vedtak:

- 1. Kommunestyret vedtek å innføre ordning med kulturmidlar.***
- 2. For 2017 vert det løyvd kr 200 000 tiltaket. Midlane vert dekt ved tilsvarande reduksjon av formannskapet sin disposisjonspost (som vert redusert frå kr 455.000 til kr 255.000). Midlane skal innarbeidast i komande budsjett- og økonomiplan.***
- 3. Midlane vert fordelt av driftsstyret fram til tenesteutval for barn og kultur trer i funksjon og overtek denne funksjonen.***
- 4. Kommunestyret ber driftsstyret foreslå prinsipp for tildeling.***

Sakutgreiinga med vedlegg følgjer vedlagt.

Volda kommune, servicekontoret

Sonja Håvik
konsulent

Dokumentet er elektronisk godkjent og har ingen signatur.

Kopi til:
Inger-Johanne Johnsen – kultur- og servicesjef
Henrik Skovly - økonomisjef
Andreea Beleuta - økonomi
Marija Ostojic - rekneskap
Astrid Gjersdal – frivilligsentralen
Bente Kristin Krøvel - driftsstyret

Postadresse:
Stormyra 2
6100 Volda

postmottak@volda.kommune.no
Telefon: 70058701

Telefaks:
70058701

www.volda.kommune.no
Org. nr: 939 760 946
Bankgiro: 3991.07.81727

SAKSDOKUMENT

Sakshandsamar:	Inger-Johanne Johnsen	Arkivsak nr.:	2016/2129
		Arkivkode:	223

Utvalsaksnr	Utval	Møtedato
9/17	Formannskapet	10.01.2017
8/17	Kommunestyret	26.01.2017

KULTURMIDLAR - VOLDA KOMMUNE

Handsaming:

Arild Iversen kom med slikt framlegg:

- 1. Kommunestyret vedtek å innføre ordning med kulturmidlar frå og med 2018. Vedlagte prinsipp for tildeling av slike midlar vert godkjende.*
- 2. Kulturmidlar vert å innarbeide i komande budsjett og økonomiplan.*

Røysting (26 røysteføre):

Det vart røysta alternativt mellom tilrådinga frå formannskapet og framlegget frå Arild Iversen.

Tilrådinga frå formannskapet fekk 15 røyster og vart vedteken, framlegget frå Arild Iversen fekk 11 røyster og fall.

Vedtak i kommunestyret - 26.01.2017:

- 1. Kommunestyret vedtek å innføre ordning med kulturmidlar.*
- 2. For 2017 vert det løyvd kr 200 000 tiltaket. Midlane vert dekt ved tilsvarande reduksjon av formannskapet sin disposisjonspost (som vert redusert frå kr 455.000 til kr 255.000). Midlane skal innarbeidast i komande budsjett- og økonomiplan.*
- 3. Midlane vert fordelt av driftsstyret fram til tenesteutval for barn og kultur trer i funksjon og overtek denne funksjonen.*
- 4. Kommunestyret ber driftsstyret foreslå prinsipp for tildeling.*

Handsaming:

Ordføraren kom med slikt framlegg, som vart reist som fellesframlegg:

- 1. Kommunestyret vedtek å innføre ordning med kulturmidlar.*

2. *For 2017 vert det løyvd kr 200 000 tiltaket. Midlane vert dekt ved tilsvarande reduksjon av formannskapet sin disposisjonspost (som vert redusert frå kr 455.000 til kr 255.000). Midlane skal innarbeidast i komande budsjett- og økonomiplan.*
3. *Midlane vert fordelt av driftsstyret fram til tenesteutval for barn og kultur trer i funksjon og overtek denne funksjonen.*
4. *Kommunestyret ber driftsstyret foreslå prinsipp for tildeling.*

Røysting (ni røysteføre):

Fellesframlegget vart samrøystes vedteke.

Tilråding i formannskapet - 10.01.2017 til kommunestyret :

1. *Kommunestyret vedtek å innføre ordning med kulturmidlar.*
2. *For 2017 vert det løyvd kr 200 000 tiltaket. Midlane vert dekt ved tilsvarande reduksjon av formannskapet sin disposisjonspost (som vert redusert frå kr 455.000 til kr 255.000). Midlane skal innarbeidast i komande budsjett- og økonomiplan.*
3. *Midlane vert fordelt av driftsstyret fram til tenesteutval for barn og kultur trer i funksjon og overtek denne funksjonen.*
4. *Kommunestyret ber driftsstyret foreslå prinsipp for tildeling.*

Administrasjonen si tilråding:

1. *Kommunestyret vedtek å innføre ordning med kulturmidlar frå og med 2018. Vedlagte prinsipp for tildeling av slike midlar vert godkjende.*
2. *Kulturmidlar vert å innarbeide i komande budsjett og økonomiplan.*

SAKSOPPLYSNINGAR/FAKTA:

Kommunestyret vedtok i sak 172/16 (budsjettvedtaket) at det skulle utgreiast ei sak der midlar for tildeling til kulturtiltak blir utgreidde.

Kvart år kjem inn eit titals søknader om midlar frå lag og organisasjonar, noko som viser at dei forventar at kommunen har slike midlar til fordeling. Det har imidlertid ikkje vore budsjettert med kulturmidlar dei siste ti åra, ut over midlar til 17. maifeiring i sentrum (20.000 kr pr år) og på bygdene (1000 kr pr år).

Dei såkalla kulturmidlane vart tekne vekk i tidlegare budsjetthandsaming som eit sparetiltak for å frigjere midlar til kommunen sine primær oppgåver. Det er ikkje sett av pengar til kulturmidlar i budsjett og økonomiplan for perioden 2017 – 2020. Dersom tiltaket skal prioriterast må det også løyvast midlar.

VURDERING

Volda kommune ønskjer å vere ei allsidig og levande kulturkommune. Gjennom kulturmidlane kan kommunen stimulere og bidra til variert kulturtilbod og opplevingar som kan aktivisere menneske i alle aldre, med ulike interesser og føresetnader. Målsettinga er å fremme eit aktivt, allsidig og kvalitetsmessig godt kulturliv.

Dersom kommunestyret vel å gjeninnføre ordning med kulturmidlar, meiner rådmannen meiner det er viktig å sjå tiltaket i ein overordna samanheng og vere tydeleg på formålet med ordninga. Kommunen har sterkt fokus på førebygging, tidleg innsats og folkehelse. Det er særleg viktig å ha fokus på aktivitet og oppfølging av barn og unge for å førebyggje mot utanforskap og inkludere i fellesskapen. Rådmannen vil derfor foreslå at tiltaket vert særleg retta mot organisasjonar og aktivitetar for barn og unge.

Forslag til prinsipp for tildeling av kulturmidlar i Volda kommune

- Kulturmidlane går til frivillige lag og organisasjonar innan eigen kommune (evt. i felleslag med nabokommunene). Dersom foreiningane har medlemmer også frå andre kommuner, må fleirtalet av medlemmane vere busett i Volda kommunen og foreininga si adresse/møtestad må vere i kommunen.
- Søknader som gjeld barne- og ungdomsarbeid skal prioriterast.
- Foreiningar som skal få støtte må ha vore i drift i minst 6 månader. Foreininga må ha ope medlemskap, vedtekter og vald styre. Det må minst vere 10 medlemmer som betalar medlemskontingent.
- For lag og foreiningar som driv fleire aktivitetar – til dømes fleiridrettslag/allianseidrettslag – skal det sendast berre *ein* søknad der det blir forklart kva evt. tildelte kulturmidlar skal nyttast til.
- Det blir ikkje gitt støtte til kommersielle tiltak og arrangement, som t.d. konsertar, messer og liknande. Det blir heller ikkje gitt stønad til politiske foreiningar og trussamfunn.
- Kulturmidlane blir delt ut 1. halvår kvart år. Søknadsfristen er 1. mai. Søknader som kjem inn etter fristen, vil ikkje bli handsama.
- Årsmelding og rekneskap for siste år skal leggest ved søknaden.

Oppretting av kulturmidlar i Volda kommune vil bidra til å styrke kulturlivet i kommunen og å gje moglegheit for enda større aktivitet i lag og organisasjonar. Formannskapet må avgjere kva politisk organ som skal tildele kulturmidlane, og om det også er andre grupper enn barn og ungdom som skal prioriterast.

Helse og miljøkonsekvensar:

Økonomiske konsekvensar:

Det er ikkje sett av midlar til tiltaket. Budsjettet for 2017 er godkjent med bruk av om lag 19 millionar i disposisjonsfond. Økonomiplanen er basert på reduksjon i tenesteeiningar og effektivisering for å balansere økonomien. Kommunen bør derfor ikkje opne opp for nye driftstiltak/auka driftstiltak. I så fall bør det vere tiltak som har positiv effekt på drifta og økonomien. Tiltak retta mot barn og unge kan ha det på sikt. Oppretting av tiltaket i 2017 vil auke sårbarheita i økonomien til kommunen for driftsåret.

Beredskapsmessige konsekvensar:

Ingen

KONKLUSJON

Rådmannen tolkar kommunestyret slik at ein ynskjer å gjeninnføre ordninga med kulturmidlar, og at det er vilje til å gi dette prioritet. Dersom ein skal innføre dette i 2017, ser ikkje rådmannen annan finansieringsmåte enn å dekkje dette av formannskapet sin disposisjonspost. Dette reduserer handlingsrommet i økonomien for driftsåret.

Prinsipielt meiner rådmannen at alle kjente tiltak som kommunestyret vil prioritere skal vere innarbeidd når kommunestyret godkjenner budsjettet. Tiltak som ev ynskjer utgreidd for så å ta stilling til dei, bør i prinsippet kome att som tiltak som vert innarbeidd i neste års budsjett- og økonomiplanhandsaming.

Rådmannen ser to moglege alternative løysingar i saka:

A.

1. Kommunestyret vedtek å innføre ordning med kulturmidlar frå og med 2018. Vedlagte prinsipp for tildeling av slike midlar vert godkjende.
2. Kulturmidlar vert å innarbeide i komande budsjett og økonomiplan.

B

1. Kommunestyret vedtek å innføre ordning med kulturmidlar. Vedlagte prinsipp for tildeling av slike midlar vert godkjende.
2. For 2017 vert det løyvd kr 200 000 tiltaket. Midlane vert dekt ved tilsvarande reduksjon av formannskapet sin disposisjonspost (som vert redusert frå kr 455.000 til kr 255.000). Midlane skal innarbeidast i komande budsjett- og økonomiplan.
3. Midlane vert fordelt av driftsstyret fram til tenesteutval for barn og kultur trer i funksjon og overtek denne funksjonen.

Fagleg vil rådmannen tilrå alterantiv A ettersom budsjettet for 2017 nettopp er vedteke, og at kjende tiltak som ein ynskjer utgreidd bør kome att i samband med neste års handsaming av budsjett og økonomiplan. Dette er også viktig for å gjere ei samla prioritering av dekning over drifta.

Rune Sjugard
Rådmann

Inger-Johanne Johnsen
sektorsjef kultur og service

Utskrift av endeleg vedtak:

Administrasjonen for vidare arbeid
Økonomisjefen



SAKSDOKUMENT

Sakshandsamar: Per Ivar Kongsvik Arkivsak nr.: 2016/1093
Arkivkode: B20

Utvalsaksnr	Utval	Møtedato
	Formannskapet	21.03.2017
7/17	Råd for likestilling av menneske med nedsett funksjonsevne	13.03.2017
	Kommunestyret	30.03.2017
10/17	Driftsstyret	15.03.2017

PPT- AVTALE OM REGIONALT SAMARBEID

Administrasjonen si tilråding:

- 1. Kommunestyret godkjenner vedlagde utkast til samarbeidsavtale om regionalt samarbeid om PPT.
Kommunen inngår samarbeidet dersom tre eller fleire kommunar godkjenner avtalen.*
- 2. Kommunestyret delegerer mynde i samsvar med punkt 2 i samarbeidsavtalen til rådmannen som skal vidaredelegere dette til rådmannen i vertskommunen.*
- 3. I ei etableringsfase dekkjer Ørsta og Volda kostnadar knytt til ½ stillingsheimel kvar i perioden 01.08.17 – 31.07.19. Stillinga kjem i tillegg til normal bemanning.*
- 4. Om Hornindal kommune ynskjer å tre inn i samarbeidet på dei vilkår som går fram av samarbeidsavtalen før 1.1. 2020, kan dette skje utan ny politisk handsaming av saka i dei fire samarbeidskommunane.*

Vedleggsliste:

1. Framlegg til avtale om regionalt samarbeid om PPT (PPT for Hareid, Ulstein, Volda og Ørsta)
2. Oppseiing av samarbeidsavtale med Ørsta kommune
3. Orientering til formannskapet, 27.01.17

Samandrag av saka:

PP-tenesta er heimla i opplæringslova § 5-6:

Kvar kommune og kvar fylkeskommune skal ha ei pedagogisk-psykologisk teneste. Den pedagogisk- psykologiske tenesta i ein kommune kan organiserast i samarbeid med andre kommunar eller med fylkeskommunen.

Tenesta skal hjelpe skolen i arbeidet med kompetanseutvikling og organisasjonsutvikling for å leggje opplæringa betre til rette for elevar med særlege behov. Den pedagogisk-psykologiske tenesta skal sørge for at det blir utarbeidd sakkunnig vurdering der lova krev det. Departementet kan gi forskrifter om dei andre oppgåvene til tenesta.

Volda og Ørsta kommunar har i ei årrekke samarbeidd om ei sams pedagogisk psykologisk teneste. Fram til 01.07.2015 vart tenesta leia eit eige styre sett saman av representantar frå både kommunar, som saman med dagleg leiar utøvde arbeidsgjevaransvaret.

Etter revisjon av kommunelova gjeldande frå 01.01.2014, vart endring av organisatorisk tilknytning av PPT i inngått samarbeidsavtale mellom kommunane aktualisert. I møte i styringsgruppa for samarbeidstiltak mellom Volda og Ørsta 27.05.2014, der ordførarar, rådmenn og hovudtillitsvalde møtte, vart det difor frå begge kommunane uttrykt ønskje om at PP-tenesta fekk ei nærare organisatorisk tilknytning til lokaliseringkommunen gjennom vertskommunemodell etter kommunelova. Dette skulle sikre tenesteområdet ei forsvarleg organisatorisk tilknytning og forvaltning, og Volda kommune bad Ørsta kommune om å utgreie sak for politisk handsaming.

I møte, 30.04.2015, godkjende kommunestyret framlegg til revidert samarbeidsavtale med Ørsta kommune om felles PP-teneste etter administrativ vertskommunemodell, heimla i kommunelova kap 5A § 28-1b, der Ørsta vart vertskommune for tenesta. Tenesta vart med dette lagt i delegeringslina til rådmannen i Ørsta kommune, som også fekk det formelle arbeidsgjevaransvaret for dei tilsette.

I avtalen heiter det at kommunane i fellesskap skal ta i vare dei tilsette sine rettar i samsvar med reglane i arbeidsmiljølova viss avtalen vert oppsagt.

I juni 2016 vart levekårsutvalet i Ørsta orientert om PP-tenesta. I denne orienteringa kome det fram at det var krevjande å rekruttere nytt personell med den kompetansen tenesta krev. Det kom fram at det var utfordringar i arbeidsmiljøet, og det hadde vore fleire skifte av leiar. Grunna permisjonar, sjukmeldingar og rekrutteringsvanskar hadde tenesta kapasitetsvanskar som ga grunn for uro for tenesta.

Formannskapet i Volda vart også orientert om stoda i PPT, der det vart sett ord på uro kring tenesta. Dette samsvara med tilbakemeldingar frå barnehagar og skular i Volda.

Etter ei samla vurdering og i dialog med Ørsta kommune fann Volda kommune grunn til å seie opp avtalen om sams PP-teneste. Ørsta kommune vart varsla om oppseiinga i brev, dagsett 29.06.2016.

Saksopplysningar/fakta:

Etter at avtalen med Ørsta vart sagt opp, har administrasjonen vurdert ulike alternativ for ei framtidig PP-teneste.

Eitt alternativ kunne vore å etablere ei eiga teneste, og sjå denne i samanheng med helsestasjonen. Ei slik organisering ville gitt eit relativt lite fagmiljø, som ville vere sær sårbart ved sjukefråvær/permisjonar. Det ville vere mest uråd å sikre den breidda og djupna som er ynskjeleg i kompetansen til PP-tenesta.

Etter at Ulstein/Hareid viste interesse for eit større samarbeid med Volda og Ørsta, har det opna seg moglegheiter for eit regionalt PP-kontor for Hareid, Ulstein, Volda og Ørsta. Eit slikt samarbeid opnar opp for eit breitt og slitesterkt kompetansemiljø, som mellom anna kan opne rom for å rekruttere kompetanse som ikkje let seg gjere i eit lite fagmiljø. Eit større regionalt samarbeid vil gje moglegheiter til å organisere arbeidet meir i team, og også til å kunne spisse kompetansen på ulike diagnosar og tiltak.

Volda kommune har fått tilbod om å delta i eit slikt regionalt samarbeid, og har fått framlegg til samarbeidsavtale om eit regionalt samarbeid om PPT.

Økonomiske konsekvensar:

Auken i personalressurs i det nye regionale PP-kontoret tilsvarar den ressursen Volda og Ørsta går inn i samarbeidet med. Jfr samarbeidsavtalen vil fordelinga av den samla kostnaden ved drifta bli fordelt etter talet på barn 0-15 år i dei fire kommunane.

I etableringsfasen av eit regionalt PP-kontor, forpliktar Volda seg til å dekke kostnader for inntil 0,5 stilling i perioden 01.08.17 – 31.07.19.

I lys av dei utfordringane PP-tenesta har hatt dei siste åra, ser administrasjonen det som viktig at overgangen til, og oppstarten av ei ny regional PP-teneste vert sikra ved at Ulstein som vertskommune har ein ressurs til å handtere det ekstraarbeidet ein må pårekne i ein overgangsfase. Ulstein og Hareid har i dag ei velfungerande PP-teneste, og det er naturleg at det er Volda og Ørsta som ynskjer seg inn i denne tenesta tek denne kostnaden.

Som vertskommune er Ørsta ansvarleg for avviklinga av noverande organisering som vert oppløyst 01.08.2017. På same tid har båe kommunar eit sams økonomisk ansvar. Viss Ørsta kommune ikkje lukkast med å framleige dei lokala tenesta er lokalisert i no, må Volda kommune vere budd på å ta sin del av ansvaret for leigekontrakten i tidsrom utan framleige. Ansvaret mellom Volda og Ørsta er det same som for anna utgiftsdekning, høvesvis 45 % og 55 %.

Vurdering og konklusjon:

Etter at avtalen med Ørsta om sams PP-teneste vart sagt opp, har administrasjonen vurdert to moglege vegar å gå for å etablere ei ny PP-teneste:

1. Starte ei eiga teneste for Volda kommune
2. Søke samarbeid med andre kommunar om ny sams PP-teneste

Ei eiga teneste ville også kunne stette krava til ei PP-teneste, men det ville vere eit lite og sårbart fagmiljø. Ved sjukefråvær, permisjonar eller når tilsette søker nytt arbeid, vil tenesta få utfordringar med å kome i møte krava som blir sette til tenesta.

Eit regionalt samarbeid Volda kommune no er invitert til, vil gje dei fire kommunane eit langt større og meir slitesterkt fagmiljø, men mogelegheit for breidde og djupne i den samla kompetansen.

Det har kome innspel frå NFU Ørsta og Volda lokallag (Norsk forbund for utviklingshemma). Der det blir uttrykt skepsis til avstanden til PPT for brukarane av tenesta. Til det er svaret at arbeidet til PPT i all hovudsak går føre seg i barnehagane og på skulane. Det vil ikkje vere «lokalkontor» i andre kommunar enn Ulstein, men skulle det bli naudsynt vil tenlege lokale bli stilt til disposisjon for PP-rådgjevarar i saker som krev det. Fordelane med eit regionalt PP-kontor vert vurdert som lagt større enn ulempene avstanden til Ulsteinvik representerer.

Administrasjonen rår til at kommunestyret sluttar seg til administrasjonen sitt framlegg til vedtak som inneber at Volda kommune inngår eit regionalt samarbeid om PPT der Ulstein er vertskommune for Hareid, Ulstein, Volda og Ørsta.

Rune Sjurgard
Rådmann

Per Ivar Kongsvik
oppvekstsjef

Utskrift av endeleg vedtak:

Ulstein kommune
Opplæring og oppvekst

Klageinstans:

AVTALE OM REGIONALT SAMARBEID OM PPT (Pedagogisk Psykologisk Teneste)

VERTSKOMMUNE: Ulstein

SAMARBEIDSKOMMUNAR: Hareid, Volda, Ørsta

SAMARBEIDSAVTALE

1. Formål og mandat

Samarbeidet er eit administrativt vertskommunesamarbeid heimla i kommunelova kap 5A §28-1b, og skal yte tenester etter opplæringslova kap 4A og 5 og lov om barnehagar kapittel V A.

Den felles tenesta skal stette krav i lov og forskrift for barnehage, grunnskule og vaksenopplæring i dei samarbeidande kommunane, eventuelt også for vidaregåande opplæring etter avtale med fylkeskommunen.

Tenesta skal bidra til å sikre tenestekvalitet for brukarane, med brei kompetanse og god utnytting av tilgjengelege ressursar.

Namnet på tenesta er Pedagogisk Psykologisk teneste for Hareid, Ulstein, Volda og Ørsta.

2. Organisering av tenesta

Ulstein er vertskommune for samarbeidet, og tenesta er lokalisert i Ulstein. Volda, Ørsta og Hareid er samarbeidskommunar.

Samarbeidskommunane delegerer jfr. kommunelova kap 5A §28-1 mynde til Ulstein kommune for PP-tenesta sine oppgåver, jf opplæringslova §5-6 og barnehagelova §19c. Delegeringa omfattar ikkje mynde til å treffe vedtak om tenester etter opplæringslova kap 4A og 5 og lov om barnehagar kap V A. Dette myndet skal ligge i kvar enkelt samarbeidskommune. Eventuelle søksmål knytte til PP-tenesta skal rettast mot brukaren si heimkommune.

Ulstein kommune er ansvarleg for å opplyse samarbeidskommunane om alle vedtak som vedkjem den felles PP-tenesta.

Tenesta er administrativt underlagt kommunalsjef for oppvekst i Ulstein kommune. Tenesta skal ha ein fagleg leiar, og skal drivast i samsvar med lov, føresegner og kommunalt avtaleverk. Leiaren vil elles ha same ansvar som andre einingsleiarar i Ulstein kommune.

3. Bemanning

Bemanning og fagkompetanse skal vere relevant i høve tenesta sitt innhald og oppgåver, og elles vere i samsvar med dei ressursar kommunane legg til grunn for tenesta.

Ulstein kommune er arbeidsgivar for dei tilsette. Ulstein kommune lagar stillingsplan og legg den fram for samarbeidsorganet til drøfting.

4. Fagleg samarbeidsorgan

Det skal etablerast eit samarbeidsorgan for tenesta som er samansett slik:

- Oppvekstfagleg ansvarlege i alle samarbeidskommunane
- Ein representant for dei tilsette
- Dagleg leiar er sekretær for samarbeidsorganet

Samarbeidsorganet konstituerer seg sjølv. Organet held møte minimum 2 gongar i året. Samarbeidsorganet er eit rådgivande organ for PP-tenesta. Leiar utarbeider årsmelding for tenesta, meldinga skal handsamast av samarbeidsorganet.

Samarbeidsorganet skal sjå til at PP-tenesta samarbeider nært med andre faggrupper i kommunane, slik at tenesta sin kompetanse vert nytta effektivt til beste for brukarane.

Ulstein kommune vedtek verksemdsplan, budsjett og årsmelding for tenesta etter uttale frå samarbeidsorganet.

5. Økonomi

Vertskommunen utarbeider budsjett. Dette skal ligge føre seinast 01.10 før budsjettåret.

Vertskommunen orienterer samarbeidskommunane om budsjett, og kommunestyret i vertskommunen vedtek budsjett og økonomiplan.

Kontrollrutinar og revisjon fylgjer vertskommunen sine rutinar.

Kostnad til drift og administrasjon av tenesta blir fordelt på kommunane etter tal på barn i førskulealder (BASIL) og grunnskulealder (GSI) i rekneskapsåret, etter at eventuell refusjon frå fylkeskommunen eller andre er trekt ifrå.

Vertskommunen forskotterer drifta og fører rekneskap. Samarbeidskommunane betalar eit kvartalsvis a kontobeløp. Endeleg oppgjer skjer årleg ved rekneskapsavslutting av driftsåret.

6. Rapportering

Vertskommunen rapporterer til samarbeidskommunane om ressursbruk, tilstand og prioriteringar i PPT i samband med budsjetthandsaminga, tertialrapportar og rekneskap/årsrapport. Ved større avvik i høve budsjett skal rådmann i vertskommunen orientere rådmennene i samarbeidskommunane snarast råd.

Vertskommunen har ansvar for å rapportere til statlege instansar. Forvaltningsrevisjonsrapportar og statlege tilsynsrapportar skal sendast til samarbeidskommunane.

7. Arkiv og personvern

Arkiva i dei to føregåande PP-tenestene må periodiserast før nytt PPT i det nye samarbeidet vert starta opp.

Vertskommunen opprettar nytt, felles arkiv for saker der vertskommunen er ansvarleg for handsaminga. Vertskommunen er ansvarleg for oppfølging av krava i arkivlova og personopplysningslova. Arkivet er Ulstein kommune sin eigedom så lenge avtalen gjeld. Leiar for PPT har det daglege ansvaret for kvalitetssikring av arkivet.

Vertskommunen vil vere ansvarleg for arkivet som er oppstått i samarbeidsperioden også etter at samarbeidet eventuelt skulle bli oppløyst. Kostnadar knytt til arkiv vil i samarbeidsperioden verte dekte etter same prinsipp som for andre utgifter i samarbeidet.

Samarbeidskommunane kan ved oppløysing av PPT for Hareid, Ulstein, Volda og Ørsta kopiere den delen av arkivet som gjeld sine innbyggjarar dersom dette ikkje strir mot lov eller forskrift. Utgifter til dette vert dekt av kommunen det gjeld.

8. Lovlegkontroll og kontrollutval

Kontrollutvalet i vertskommunen har mynde overfor verksemda etter kommunelova § 77, jf kommunelova § 28-1 j.

9. Iverksetting, oppseiing, revidering

Avtalen trer i kraft 1. august 2017, og avløyser tidlegare avtalar mellom involverte kommunar.

Avtalen er ikkje tidsavgrensa, men kan seiast opp skriftleg av kvar av partane med 1 års varsel rekna frå 1. august i oppseiingsåret.

Avklaringar i høve personale som ved oppstart av vertskommunesamarbeidet er tilsette ved PPT for Volda og Ørsta og PPT for Hareid og Ulstein, vert gjort etter regelverk om verksemdsoverdraging, jf AML kap 16.

Dersom avtalen vert oppsagt, skal dei tilsette sine rettar ivaretakast av kommunane i fellesskap, og etter same forholdstal som for kostnadsfordeling. Tal på stillingar som kommunen har ansvar for, verdiar og lausøyre skal ved opphøyr/uttreden fordelast etter same fordelingsnøkkel. Det same gjeld for framtidig pensjonskostnad, husleige i følge avtalt leigetid, og eventuelt andre økonomiske plikter i evt avtalt bindingsperiode.

10. Tvistemål

Tvistemål om verksemda som måtte kome mellom samarbeidskommunane, skal avgjerast ved valdgift i vertskommunen i samsvar med reglane i tvistelova. Valdgiftsnemnd skal ha 1 representant frå kvar av kommunane og 1 representant frå Fylkesmannen.

Ulsteinvik, dato.....

Volda kommune

Ørsta kommune

Hareid kommune

Ulstein kommune

ordfører

ordfører

ordfører

ordfører



VOLDA KOMMUNE

Opplæring og oppvekst

Ørsta kommune
Dalevegen 6

6153 ØRSTA

<i>Arkivsak nr.</i>	<i>Løpenr.</i>	<i>Arkivkode</i>	<i>Avd/Sakshandsamar</i>	<i>Dato</i>
2016/1093	7846/2016	B20	OPP/ PERKON	29.06.2016

PPT - OPPSEIING AV SAMARBEIDSAVTALE MED ØRSTA KOMMUNE

Vi viser til avtalen om sams pedagogisk psykologisk teneste (PPT), signert av Ørsta kommune 18.05.15 og Volda kommune 13.05.15.

I den dialogen som har vore mellom kommunane om PP-tenesta, har det kome fram at PPT har vanskar med å levere dei tenestene som er forventa.

Ved einingsleiar skule, har Ørsta kommune orientert formannskapet i Volda om stoda, og Ørsta konkluderer med at tenesta ikkje kan halde fram i den forma ho har i dag.

I full forståing med Ørsta som vertskommune er vi innforstått med og sluttar oss til at vertskommuneavtalen vil verte oppløyst. Dette er ein prosess som vil gå sin gang, og med bakgrunn i behovet for å starte opp arbeidet med å vurdere reelle alternativ, så finn Volda kommune slik det tidlegare er opplyst det nødvendig å seie opp avtalen med verknad frå 01.08.2016. Tenesta kan organiserast på ulike måtar, også i samarbeid med andre enkeltkommunar eller andre interkommunale samarbeid.

I sonderingar om moglege samarbeid med andre kommunar, ser Volda det som naturleg at Ørsta gjer det på vegne av begge kommunane.

Oppseiinga av avtalen skjer i forståing med Ørsta kommune.

Med helsing

Rune Sjurgard
rådmann

Per Ivar Kongsvik
oppvekstsjef

Dokumentet er elektronisk godkjent og har ingen signatur.

Kopi til:
Driftsstyret
Kommunestyret
Utdanningsforbundet
Fagforbundet

Postadresse:	postmottak@volda.kommune.no	www.volda.kommune.no
Telefon:		Org. nr: 939 760 946
		Bankgiro: 3991.07.81727



ORIENTERINGSSAK

Frå: Rådmannen

Til: Formannskapet

Sak: PPT - oppseiing av samarbeidsavtale med Ørsta kommune

<i>Arkivsak nr.</i>	<i>Løpenr.</i>	<i>Arkivkode</i>	<i>Avd / Sakshandsamar</i>	<i>Dato</i>
2016/1093	1273/2017	B20	OPP/PERKON	27.01.2017

Utvalsaknr **Utval**

Møtedato

Organisering av PPT

Viser til rådmannen i Ørsta sitt notat til formannskapet, dagsett 19.01.2017.

I brev, dagsett 29.06.2016, sa Volda kommune opp samarbeidsavtalen med Ørsta kommune om sams PP-teneste. Oppseiinga var i full forståing med Ørsta kommune, som slutta seg til at tenesta ikkje kan halde fram i den forma ho har i dag.

I tida etter oppseiing av avtalen har administrasjonen i Volda kommune vurdert ulike alternativ til drift av PP-tenesta. Å drifte ei eiga teneste knytt til helsestasjonen var eitt alternativ som tidleg i prosessen vart vurdert. Ei slik teneste vil vere sårbar, og storleiken på tenesta ville gjere det mest uråd å dekke breidda og djupna i den kompetansen som det er ynskjeleg at ei PP-teneste dekker, og som er naudsynt for å dekke kvalitetskriteria for tenesta.

På bakgrunn av dette, har administrasjonen konkludert med at ei sams teneste med Ulstein, Hareid og Ørsta best vil sikre ei stabil teneste med breidde og djupne i kompetansen.

Administrasjonen i Volda kommune sluttar seg til rådmannen i Ørsta når ho skriv at både Volda og Ørsta er svært motiverte for ei felles teneste med Ulstein og Hareid, og at vi tek felles ansvar for å få dette til.